





名媛詩歸卷之十三目錄

唐五

薛濤

酬人雨後翫竹

謁巫山廟

寄舊詩與元微之

牡丹

春望詞

四首

風



宣上人見示與諸公唱和

聞蟬

月

池上雙鳥

罰赴邊有懷上韋令公

二首

鴛鴦草

詠八十一顆

賊平後上高相公

題竹郎廟

酬韋校書

聽僧吹蘆管

鼎郭簡州寄柑子

憶荔枝

斛石山曉望寄呂侍御

斛石山書事

賦凌雲寺

二首

九日遇雨

二首

上王尚書

海棠溪

金燈花

試新服裁製初成

三首

酬辛負外折花見遺

贈遠二首

秋泉

柳絮

段相國遊武擔寺病不能從題寄

十離詩

十首

送友人

送盧員外

上川主武相國二首

寄詞

送姚員外

酬祝十三秀才

別李郎中

送扶鍊師

摩訶池贈蕭中丞

和李書記席上見贈

棠梨花和李太尉

酬文使君

酬吳隨君

酬李校書

酬雍秀才貽巴峽圖

和劉賓客玉薺

江邊

贈蘇十三中丞

和郭員外題萬里橋

送鄭眉州

江亭雁餞

採蓮舟

菱苻沼

春郊遊眺寄孫處士二首

酬楊供奉法師見招

寄張元夫

贈楊蘇中

續嘉陵驛詩獻武相國

贈段校書

酬杜舍人

籌邊樓

目次

畢

名媛詩歸卷之十三

景陵鍾 惺伯敬點次

唐

五

薛濤

字洪度、本長安良家女、父鄭、因官寓蜀、濤
入、九歲、知聲律、其父一日坐庭中、指并梧
示之、曰、庭除一古桐、聳幹入雲中、令濤續
之、卽應聲曰、枝迎南北鳥、葉送往來風、父
愀然久之、父卒、母孀、養濤及笄、以詩聞外
又能掃眉塗粉、與士俗不侔、客有竊與之
燕語、時韋臯鎮蜀、召令侍酒賦詩、僚佐多
士、爲之改觀、暮歲、臯議以校書郎奏請之
護軍、不可而止、濤出入幕府、自臯至李德
裕、凡歷事十一鎮、皆以詩名受知、故胡曾
詩曰、萬里樓臺女校書、琵琶花下閉門居
掃眉才子知多少、領取春風總不如、其間

與濤倡和者元稹、白居易、牛僧孺、令狐楚、裴度、嚴綬、張籍、杜牧、劉禹錫、吳武陵、張佑、餘皆名士。初元稹知有薛濤，未嘗識面。及授監察御史，出使西蜀，得與濤相見。自後元公赴京，薛濤歸浣花所，其浣花之人多造十色采箋，于是濤別造新樣，小幅、松花紙、多用題詩，因寄獻元公百餘幅。元于松花紙上寄贈一篇曰：錦江滑膩岷峨秀，幻作文君及薛濤。言語巧偷鸚鵡舌，文章分得鳳凰毛。紛紛詞客皆停筆，箇箇公侯欲夢刀。別後相思隔煙水，菖蒲花發五雲高。薛濤嘗好種菖蒲，故有是句。濤好製小詩，惜其幅大，躬撰深紅小采箋裁書，時謂之薛濤箋。晚歲居碧雞坊，祔吟詩樓，偃息于上。後段文昌再鎮成都，濤卒。年七十五。文昌爲撰墓誌。

○酬人雨後翫竹

南天春雨時，那鑒雪霜姿。

雪霜姿妙在用鑒字。自負堅貞之甚。

衆類

亦云茂。

虛語只作一問。宛篤而幽厚。

虛心能自持。

自持說在竹上。便妙于翫

物。妙在能字振得起。

多留晉賢醉，早伴舜妃悲。歲後君能賞，

蒼蒼勁節奇。

○謁巫山廟

亂猿啼處訪高唐，路入煙霞草木香。山色未能忘。

宋玉。

寫得動宕。忽逗深情。此等語皆文人情。偶然痴想着筆處。聲云欲咽。淒然滿紙。

水

聲猶似哭襄王。

此句不如上句妙。

朝朝夜夜陽臺下，爲雨

爲雲。楚國亡，惆悵廟前多少柳。春來空鬪畫眉長。

兩句不但幽媚動人。覺修約
宛退中。多少矜蕩不盡意。

○寄舊詩與元微之

詩篇調態人皆有。細膩風光我獨知。細膩下又着

其獨知。不得月夜詠花憐暗澹。雨朝題柳爲欹垂。風光二字此

幽人綺事皆本學問本領長教碧玉藏深處。總向

紅牋寫自隨。寫自隨說出不妄老大不能收拾得。

與君開似教男兒

通詩筆老而氣骨遒緊。雖用宛媚
處皆以朴靜累之。挺然聲調間

○牡丹

去春零落暮春時。泪濕紅牋。怨別離。常恐便同巫峽散。因何重有武陵期。
一句一問。便氣拘而情深。傳情每向聲香得。不語還應彼此知。
如此詠花。妙有情性。只欲欄邊安枕席。夜深聞共說相思。

○春望詞

花開不相賞。花落不同悲。欲問相思處。
欲問二字。不。欲。一。旦。氣盡。覺下時。字煞得住。花開花落時。

○其二

檻草結同心。將以遺知音。
將以不輕遺也。春愁正斷絕。
三字。

然截春鳥復哀鳴

○其三

風花日將老。佳期猶渺渺。不結同心人。不結二字。惕然咎已。

空結同心草

直而怨。

○其四

那堪花滿枝。翻作兩相思。玉箸垂朝鏡。春風知不

知。苦語不禁痴問。

細諷四時。覺有望字意在。若率然讀去。但知其幽恨。不知其悵嘆。

○風

獵蕙微香遠。

獵蕙字造得奇古。

飄絃吹一聲。林梢明泚泚。

明泚泚。妙在用風上。若作雨雪詩。不妙矣。松徑夜淒清。

○宣上人見示與諸公唱和

許厠高齋唱。涓泉定不如。

謙語遜而質。

可憐譙記室。流

水滿禪居。

○聞蟬

露滌清音遠。

高秀彌深。

風吹故葉齊。

故葉齊三字。蕭散間朗。

聲聲。

似相接。

只此一句。非細心聽蟬人不知。他人極力形容。祇說形質聲响。何關聞字意。

各

在一枝棲。

○月

魄依鈎樣小。

魄依字想
得入細。

扇逐漢機圓。細影將圓質。

人間幾處看。

細語幽響。故故向人。
而含吐不欲自盡。

○池上雙鳥

雙棲綠池上。朝暮共飛還。

用朝暮二字。有無限艷羨意。

更意將

離日同心蓮葉間。

蓮葉間想出同心。宛轉為雙鳥
體貼總見情。種生想。物理聖人情。

互相

關切。

○罰赴邊有懷上韋令公

聞說邊城苦、如今始到知、好將筵上曲、唱與隴頭

兒

唱與二字深。

○其二

點虜猶違命、烽烟直北愁、却教嚴譴妾、不敢向松州。

二詩如邊城画角。別是一番哀怨。

○鴛鴦草

綠英滿香砌、兩兩鴛鴦小。

小字押得細。

但娛春日長、不

管秋風蚤

把鴛鴦艸如此狠狠責數之。負怨不堪。

詠八十一顆

色比丹霞朝日，形如合浦貧簾。開時九九知數，見處雙雙頡頏。

信口作語，當時必甚稱賞，不然何亦存之永久耶。

○賊平後上高相公

驚看天地白荒荒，瞥見青山舊夕陽。始信大威能

映照，由來日月借生光。

日月借生光。確是上相公語。

開口自然挺正。而有光融拓落之氣。覺文人反多牽掣。

○題竹郎廟

竹郎廟前多古木。夕陽沉沉山更綠。

更綠二字。在沉沉中想像

出來。不必映帶。古木。已復深杳。何處江頭有笛聲。笛聲盡是迎郎曲。

語氣一直說下。愈緩愈悲。

○酬韋校書

芸山誤比荆山玉。那是登科甲。乙年澹地鮮風將綺思。飄風散蘼媚晴天。

語似不斷妙矣尤難于字字用意。

○聽僧吹蘆管

曉蟬鳴咽暮鶯愁言語殷勤十指頭

綺艷語只妙在影出聽吹

字。

罷閱梵音聊一弄

上兩句收盡故此用開法。

散隨金磬泥清

秋。

語致仍遠

酬郭簡州寄柑子

霜規不讓黃金色圓質仍含御史香何處同聲情最異臨川太守謝家郎

此詩却似近來山人趁筆酬謝一派此其粗率處在何處同聲情最切一問耳

憶荔枝

傳聞象郡隔南荒。終日豐肌不可忘。近有青衣連
楚水。素漿還得類瓊漿。

題意本難雅稱。此皆其漫興率書耳。

斛石山曉望寄呂侍御

曦輪初轉照仙扃。旋劈煙嵐上窅冥。
得玄暉同時點。天涯蒼翠漫青青。

峻嶒幽杳。聳然在目。不

○斛石山書事

王家山水畫圖中。意思都盧粉墨容。今日忽登虛

境望步搖冠翠一千峰。

朗曠仍見鈎勒。
意始不庸不淺。

○賦凌雲寺二首

聞說凌雲寺裡苔，風高日近絕纖埃。橫雲點染芙

蓉壁。

眼中如有所見筆墨又能追之故宛宛自出。

似待詩人寶月來。

善爲

詩人長價寶月何人可謂詩遇矣。

其二

聞說凌雲寺裡花，飛空遶磴逐江斜。有時鎖得娉

娥鏡，鏤出瑤臺五色霞。

二詩皆從意外生想。縹渺幽秀。絕句一派。爲今所難。

九日遇雨

萬里驚飈朔氣深。江城蕭索晝陰陰。誰憐不得登

山去。

此句微遠。

可惜寒芳色似金。

其二

茱萸秋節佳期阻。金菊寒花滿院香。神女欲來知有意。先令雲雨暗池塘。

意調雖明暢。稍近庸流手筆。

○上王尚書

碧玉雙幢白玉郎。初辭天帝下扶桑。手持雲縷題

新榜。十萬人家春日長。此雨中春樹萬人家猶朗潤。

逸而動絕。不帶媚氣。

○海棠溪

春教風景駐仙霞。水面魚身總帶花。上春教字。已說得入微。故

此句乃以人世不思雲月異。競將紅纈染輕沙。澹艷領出。

鮮朗的爍。以用意得之。而氣仍奧衍。絕不欲為繁飾也。

○金燈花

闌邊不見蘘蘘葉。砌下惟翻艷艷叢。細視欲將何

物比曉霞初壘赤城宮。

前三句寬衍。後一句警動。此絕句常局也。其佳處首二句仍不率重。

○試新服裁製初成

紫陽宮裏試紅綃。仙霧朦朧隔海遙。霜兔毳寒冰
蠶靜。嫦娥笑指織星橋。

沉着語。又須宛媚流潤。始無偏輕偏重之病。此其意義以他人事作我情。以我情作他人事耳。明此意。即作長篇不難矣。

○其二

九氣分爲九色霞。五雲仙馭五雲車。春風因過東

君舍

春風東君人每互用耳。此以分用說出奇情。

偷樣人間染百花

聲情

細艷媽

然作致。

○其三

長裙本是上清儀。會逐羣花把玉芝。

畫出仙人行徑。每到

宮中歌舞會。折腰齊唱步虛詞。

只將借意發出正意。情神宛肖。

、 酌辛員外折花見遺

青鳥東飛正落梅。銜花滿口下瑤臺。

下瑤臺三字覺不韻。一

枝爲授殷勤意。把向風前旋旋開。

以旋旋字襯出殷勤之意。妙有

會印

○贈遠二首

芙蓉新落蜀山秋。錦字開緘到是愁。

語有直而愈曲者。可知到

是愁三字之妙。此皆不從用意中求之。只聲口能轉變耳。

閨閣不知戎馬事。月

高還上望夫樓。

○其二

擾弱新蒲綠又齊。

擾弱二字。用得新倩。

春深花落塞前溪。知

君未轉秦關騎。月照千門掩袖啼。

秋泉

冷色初澄。一帶烟。

冷色用澄字妙矣。又用初澄。却于何處分看。全在一帶煙氣氤氳。

幽香中

幽聲遙瀉。十絲絃。長來枕上牽情思。不使

見之。

愁人半夜眠。

不使字。亦爽然。

○柳絮

二月楊花輕復微。春風飄蕩惹人衣。他家本是無情物。一向向南飛。又北飛。

他家一向。本是俗語。靈心映帶。便覺飄洒不盡。

○段相國遊武擔寺病不能從題寄

消瘦翻堪見。令公

翻堪二字。說得令公具眼。

落花無那恨。東風

儂心猶道青春在羞看飛蓬石鏡中

自忖自量自羞自畏無限揣摩蓄縮之狀

十離詩

元微之使蜀嚴司空遣濤往侍後因事獲怨遠之濤作十離詩以獻因復善焉

其一

犬離主

馴擾朱門四五年毛香足淨主人憐

首說主人憐三字便覺惻

然無端咬着親情客不得紅絲毯上眠

語氣哀怨

其二

筆離手

越管宣毫始稱情紅菱紙上撒花瓊都緣用久鋒

頭盡

此句頗似譏諷微之語蓋自處于無過之地也然語氣微而不露

不得義之

手裏擎

○其三

馬離廐

雪耳紅花淺碧蹄追風曾到日東西

觀其自負才色亦只在此

一句中

為驚玉貌郎君墜

玉貌郎君亦覺親昵可愛

不得華軒更

一嘶

○其四

鸚鵡離籠

龍西獨自一孤身。

龍西言人之無可親也。孤身言已之無所託也。哀怨之甚。總以

明其不可弃耳。然用獨字。飛去飛來上錦茵。都緣自字。一字孤字。疊恨無已。

出語無方便。不得籠中再喚人。

無方便。再喚人。嬌小聲。善為補過。

然帶媚氣。

○其五

燕離巢

出入朱門未忍拋。

未忍拋三字。說出我未敢忘意。

主人常愛語嬌

嬌。

主人常愛四字。說出彼之不忍忘也。兩不相忘始有復善之意。一有相忘。則惟恐遠之不速矣。

銜泥穢汙珊瑚枕。不得梁間更疊巢。

其六

珠離掌

皎潔圓明內外通。

七字可作一珠贊。

清光似照水晶宮。都

緣一點瑕相穢。不得終宵在掌中。

○其七

魚離池

戲躍蓮池四五秋。常搖朱尾弄銀鈎。無緣擺罷芙

蓉朶。

語意修細。

不得清波更一遊。

其八

鷹離韞

爪利如鋒眼似鈴。平原捉兔稱高情。

稱高情。奇甚。古甚。

無

端竄向青雲外。不得君王臂上擎。

其九

竹離亭

翁鬱新栽四五行。堂將勁節負秋霜。

有自立品地在爲緣

春筍鑽牆破。不得垂陰覆玉堂。

○其十

鏡離臺

鑄瀉黃金鏡。始開初生三五月徘徊。

此句詠鏡微妙妙處在月

字上着徘徊始能映出初生三五等字。

爲遭無限塵蒙蔽。不得華堂

上玉臺。

十離詩有引躬自責者。有歸咎他人者。有擬議情好者。有直陳過端者。有微寄諷刺者。皆情到至處。一往而就。非才人女。人不能蓋。如人善。想才人善達。故也。此長門賦所以授情於洛陽年少也。

○送友人

水國蒹葭夜有霜。月寒山色共蒼蒼。月寒乎。山寒乎。非共蒼蒼。

三字。不誰言千里自今夕。離夢杳如關路長。淺淺。意態淡宕也。

入深意。此不獨

○送盧員外

玉壘山前風雪夜。錦官城外別離魂。信陵公子如

相問。長向夷門感舊恩。

只似一首。弔古詠懷詩。却作送贈。高而朴。古而靜。可謂大手筆。

○上川主武相國二首

落日重城夕霧收。玳筵雕俎薦諸侯。因令朗月當

庭燎。

因令字妙在說出自家情性真細心好事人妝風景處

不使珠簾下玉

鈎。

○其二

東閣移尊綺席陳。貂裘龍節更宜春。軍城畫角三
聲歇。雲幕初垂紅燭初。

二首整麗雄健中仍有秀氣故佳。

寄詞

茵閣芝樓杳靄中。霞開深見玉皇宮。紫陽天上神

仙客稱在人間立世功。

以題意觀之。當有所託。決不以神仙愚人。

○送姚員外

萬條江柳早秋枝。

江柳上着早秋枝三字。靈妙。看其用字下句處。又復斟。

裊

地翻風色未衰欲折。爾來將贈別。

欲字。爾字。來字。將字。妖嬈特甚。

讀之使人續。綰不忍忽別。

莫教烟月兩鄉悲。

此句明非說柳。却又不是離柳說。此

詩人隱現。含吐之妙。

妙在畢竟似送。別不似柳枝詞。

、酌祝十三秀才

浩思藍山玉彩寒。冰囊敲碎楚金盤。贊詞頗古質蓋徵事引詞

之妙也。語氣一直則無味矣。詩家利器馳聲久。何用春圍榜下

看。

○別李郎中

葉落梧桐鳳別凰。想登秦嶺更悽涼。安仁縱有詩。

將賦。

詩將賦造字亦別。

一半音詞雜悼亡。

輕音細語。

自是可憐。

○送扶鍊師

錦浦歸舟巫峽雲。綠波迢迢雨紛紛。

巧于布景。則衍入深致。

山陰妙術人傳久也說將鶯與石軍

使事每帶秀氣款折多情

而趣味

自永

○摩訶池贈蕭中丞

昔以多能佐碧油今朝同泛舊仙舟
淒涼逝水頻波遠惟有碑前咽不流

感舊懷今此等正讀之不恐

○和李書記席上見贈

翩翩射策東堂秀豈復相逢豁寸心

相逢即豁寸心非真相知

不知尤妙在豈復二字懸揣得妙

借問風光爲誰麗萬條絲柳翠

烟深。

○棠梨花和李太尉

吳均蕙圃移嘉木。正及東溪春雨時。

繫其人。繫其地。繫其時。繫

以嘉名。珍重之至。

日晚鶯啼何所爲。

一問尤深。

淺深紅膩壓繁

枝。

酌文使君

延英曉拜漢恩新。五馬騰驤紫陌塵。今日謝庭飛
白雪。巴歌不復舊陽春。

此首太時氣。正以延英漢恩五馬紫陌謝庭白雪巴歌陽春皆套字故也。

○ 酬吳隨君

支公別墅接花局、買得前山總未經。

買山未經。何等深致。全從

其人道性想來。

入戶剡溪雲水滿。高齋咫尺躡青冥。

二句亦鎮

壓得定。

○ 酬李校書

才遊象外身雖遠、學茂區中事易聞。

事易聞。說學茂區中。上真

實難掩。

自顧漳濱多病後、空瞻逸翮舞青雲。

○ 酬雍秀才貽巴峽圖

千疊雲峰萬頃湖、白波分去遶荆吳。感君識我枕

流意重示瞿塘峽口圖

此亦一種套作。

和劉賓客玉薺

瓊枝的礫露珊珊、欲折如披玉彩寒、閒拂朱房何
所似、緣山偏映日輪殘、

詠得神似。自覺光瑩在目。

江邊

西風忽報燕雙雙、人世心形兩自降、

此句之妙。真有烟波萬里。

蒼茫一碧。忽想身形。陡然一驚。不知其語之何從生也。

不爲魚腸有真訣、誰

能夜夜立清江

贈蘇十三中丞

洛陽陌上埋輪氣，欲逐秋空擊隼飛。
今日芝泥檢徵詔，別須臺外振霜威。

氣質森挺

○和郭員外題萬里橋

萬里橋題獨越吟，知憑文字寫愁心。
細侯風韻兼

前事。

兼前事隱語得妙。

不止爲舟也作霖。

用事用經。曲盡渾含轉折。淺深擊應之妙。

○送鄭眉州

雨暗眉山江水流，離人掩袂立高樓。

掩袂立。愁緒無端寫出宛然。

雙旌千騎駢東陌，獨有羅敷望上頭。

○江亭雁餞

綠沼紅泥物象幽，范汪兼倖李并州。

一句敘入三人，儼然雁餞。

位序在目。離亭急管四更後。

四更後亦甚難堪。

不見車公

心獨愁。

○採蓮舟

風前一葉厭荷葉，解報新秋又得魚。兔走烏馳人

語靜滿溪紅。袂棹歌初。

結句古宕有餘思。覺通篇俱氣靜矣。

○菱荇沼

水荇斜牽綠藻浮。柳絲和葉臥清流。

和葉臥。入想迥異。蓋細心

明眼。觀物自有妙會。決非膚意。膚語足撓其胸次也。何時得向溪頭賞。旋摘

菱花旋泛舟。

○春郊遊眺寄孫處士二首

低頭久立向薔薇。

低頭字。久立字。向字。俱寫盡不忍見。傷如之何。愛似零

陵香惹衣。何事碧溪孫處士。伯勞東去燕西飛。

相違

相遠，渾渾難忘。難
為情處，正在一問。

○其二

今朝縱目翫芳菲

今朝字有自失意

夾纈籠裙繡

地衣

寫人秀麗正遠其宜稱也

滿袖滿頭兼手把教人識是看

花歸

情興爛熳紛披而黯然情傷

○酬楊供奉法師見招

遠水長流潔復清，雪窻高臥與雲平。

高臥何以遠與雲平試從

清朝獨臥時參之自知然

不嫌袁室無煙火，惟笑

商山有姓名

○寄張元夫

前溪獨立後溪行。

以行立分前溪後溪。思意獨前。正妙在忽接鷺識二字。何等雅。

適鷺識朱衣。自不驚。借問人間愁寂意。伯牙絃絕

已無聲。

○贈楊蘊中

玉漏聲長燈耿耿。東牆西牆時見影。月明窗外子規啼。恐使孤魂愁夜永。

引韻淒緩。結意歷落。不必語盡矣。

續嘉陵驛詩獻武相國

蜀門西更上青天、強爲公歌蜀國絃。

強爲二字。未必情深。只覺

無奈。卓氏長卿稱士女。

此句只贊文君長卿。洪度錦必有所居武相國何人也。

江玉疊獻山川。

如此品騭評者受者俱不媿矣。

贈段校書

公子翩翩說校書、玉弓金勒紫綃裾、玄成莫便嬌名譽、文采風流定不如。

贈詩俱有深意。不爲苟作。出獨以文采風流四字贈之。則其所推重可知也。

酬杜舍人

雙魚底事到儂家

此句殊有驚疑望外意

撲手新詩片片霞

唱到白蘋州畔曲。芙蓉空老蜀江花。

意致清老。畢竟到家。

籌邊樓

平臨雲鳥八窗秋。壯壓西川四十州。諸將莫貪羗族馬。最高層處見邊頭。

教戒諸將何等心眼。洪度豈直女子哉。固一代之雄也。

名媛詩歸卷之十三

終

名媛詩歸卷之十四目錄

唐六

薛媛

寫真寄外

湘驛女子

題玉泉

劉媛

長門怨
二首

張璠

望月

廉氏

懷遠

峽中卽事

寄征人

崔萱

古意

敘別

豪家子

京兆女子

題興元明珠亭

劉氏婦

明月堂二首

蕭妃

夜夢

史鳳

迷香洞

神鷄枕

鑲蓮燈

交紅被

傳香枕

八分羊

閉門羹

玉簫

別詩

崔仲容

贈所思

贈歌妓

戲贈

關盼盼

燕子樓感事三首

和白舍人

常浩

贈盧夫人

贈友人

閨情

苧羅川女

答王軒二首

崔鶯鶯

明月三五夜

絕微之

初絕微之

會真紀附

故臺城妓

金陵詞

楚兒

送光葉

王福娘

寄紅菱

擲紅巾詩

目次畢

名媛詩歸卷之十四

景陵鍾 惺伯敬點次

唐 六

薛媛

濠梁南楚材妻。材旅遊。受穎牧之眷。欲妻以女。無反舊意。媛乃對鏡寫真。并詩寄之。材自慚。遂還終老。時人嘲曰。當時婦棄夫。今日夫棄婦。若不逞丹青。空房應獨守。

○寫真寄外

欲下丹青筆。先拈寶鏡寒。已驚顏索寞。漸覺鬢鬢凋。

殘。

未必果爾。為薄情人說。不先以此語鎮之。恐忘却情字。

淚眼描將易。愁腸

寫出難。

淚眼亦豈易描。只為愁腸。決竟難寫。故形容言之。

恐君渾忘却。

渾字

立言忠厚時展畫圖看

自寫神態
筆筆欲絕

湘驛女子

○○題玉泉

紅葉醉秋色碧溪彈夜絃

紅葉醉秋色尚有綴入
痕碧溪彈夜絃深雅蒼

秀妙在自然

佳期不可再風雨杳如年

杳如年合在風
雨上思從中來

并不知佳期不可
再矣更深一層

劉瑗

未詳

○長門怨

雨滴梧桐秋夜長。愁心和雨到昭陽。
淚痕不學君恩斷。拭却千行更萬行。

和雨則愁心
摩娑而得之

○其二

學画蛾眉獨出羣。當時人道便承恩。

當時人道說
出傷心此際

疑想恐色衰愛弛又
是女子本分中事

經年不見君王面。花落黃昏

空掩門。

張瑛

一作
英

○望月

天漢涼秋夜。沉沉一鏡明。

明月詩常以明鏡等語
替用此極醜語不知當

時何以屢用之。在名手亦復不免。意寫出沉沉二字意。便合着望月了。妙。

山空猿屢嘯。林靜鶴頻驚。

此二句刻

廉氏

未詳

懷遠

青林有蟬響。赤日無鳥飛。

如此無含蓄氣。每不喜見之。所謂急口趨口語。

後二句亦無參差之致。覺人人有此等語在。惟覺其板腐而已。

徘徊東南望。雙淚

空沾衣。

○峽中即事

清秋三峽此中去。

此中去。寫得直而怨。

鳴鳥孤猿不可聞。

此句

已舍在上。一道水聲多亂石。四時天氣少晴雲。中矣。

真景。偶然寫出。但覺幽杳。蔚深。日暮。泛舟溪淑口。杜詩亦有楚天不斷四時雨句。

那堪夜永思氛氲。

陰巖有鬼神。正是此翳變氣色。

○寄征人

淒淒北風吹。鴛被娟娟西月生。蛾眉誰知獨夜相。

思處淚滴寒塘蕙草時。

把處字蕙草字。承上相思。別一章法。妙甚。○然時字

獨有深意。

崔萱

字伯容

古意

灼灼葉中花，夏萎春又芳。明明天上月，蟾缺圓復

光。有自致
欣幸意

極意
擬古

○敘別

碧池漾漾春水綠，中有佳禽暮棲宿。願持此意永

相貽。

聲情激切。志意傾倒。若願持二字。實有可把握矣。

祇慮君情中反復。

中反復。刻薄君情特甚。

○○豪家子

年少家藏累代金。紅樓盡日醉沉沉。語帶奚落甚妙馬非
躑躅寧酬價。人不嬋娟肯動心。具此一段識力。妬字媚字俱不足以

動其心。

京兆女子

不詳姓氏。偶爲亂兵所掠。作詩見志。

○○題興元明珠亭

寂寥滿地落花紅。獨有離人萬恨中。

萬恨中。着獨有字。哀慘。

回首池塘更無語。手彈珠淚背東風。

背東風。復手彈珠淚。至此

已語塞矣。并回首池塘。亦不知其所以。

劉氏婦

明月堂

蟬鬢驚秋華髮新、可憐紅燦盡埃塵、西山一夢何
年覺、明月堂前不見人、

傷心

苦語。

○其二

玉鈎風急響丁東、回首西山似夢中、明月堂前人

不到、

人不到。比不見人更慘。不見人尚有恍惚想
像之意。人不到則想像俱絕矣。故下特補一

語足

庭梧

一

夜老秋風

蕭妃

武陵王
妃也

○○夜夢

昨日夢君歸。賤妾下鳴機。極知意氣薄。不著去時。

衣。

是使性氣語。是怨恨無聊語。

故言如夢裡。

故言妙矣。如夢裡真故言不可懷處。

賴得雁書飛。

幽思。幼筆。

史鳳

宣城妓。

○迷香洞

洞口飛瓊佩。羽霓香風飄。拂使人迷。自從邂逅笑。

蓉帳。

邂逅二字實癸迷字妙解。尤妙在合却芙蓉帳上。思意迥然。

不數桃花溪。

水流。

不數字亦用得深雋。

○ 紳鷄枕

枕繪鴛鴦久與棲

久與說得甚相親愛

新裁霧縠鬪神鷄與

郎酣夢渾忘曉鷄亦留連不肯啼

鷄亦留連眼中忽若有見不肯

字生坐得妙

層深剔燄語致流媚

、 鑲蓮燈

燈鑲蓮花花照疊翠鈿同醉楚臺巍殘灰剔罷携

纖手

微遠處正在剔罷殘灰上

也勝金蓮送轍回

韻人韻事善于取勝未知煮雪烹茶較羊羔美酒多少

交紅被

肱被當年僅禦寒、青樓慣染血猩紈、牙牀舒卷鵝
鸞共、正值牕櫺月一團、

月一團正爾可喜
妙在正值二字

傳香枕

韓壽香從何處傳、枕邊芬馥戀嬋娟、休疑粉黛加
鈿、玉女旃檀侍佛前、

譜出冷事
善能立意

○八分羊

党家風味足肥羊、綺閣留人漫較量、萬羊亦是男

兒事莫學狂夫取次嘗。

取次嘗寫盡醜態。

○閉門羹

一豆聊共遊冶郎去時忙喚鎖倉琅。

綴入入門獨深宛。

慕相如侶。

入門獨慕說得具眼。

欲撥瑤琴彈鳳凰。

玉簫

唐兩川節度使韋臯少游江夏止于姜使君之館姜氏孺子曰荆實已習二經雖兄

呼于韋而恭事之禮如父也荆實有小青

衣曰玉簫年纔十歲常令祇侍韋兄玉簫

亦勤于應奉後二載姜使君入關求官而

家累不行韋乃居上頭陀寺荆實亦時遣

玉簫往役給奉玉簫年稍長大因而有情

時陳廉使韋常侍得韋季父書云姪臯久

客貴州切望發遣歸覲廉使啓緘遺以舟

楫服用仍恐淹留請不相見舟江瀨俾

篙工促行、韋昏暝拭淚、乃裁書以別荆寶、寶頃刻與玉簫俱來、旣悲且喜、寶命青衣從往、韋以違覲日久、不敢俱行、乃固辭之、遂與言約、少則五載、多則七年、取玉簫因留、玉指環一枚、并詩一首、遺之、暨五年、旣不至、玉簫乃靜禱于鸚鵡洲、又逾年至八年春、玉簫嘆曰、韋家郎君一別七年、是不來耳、遂絕食而殞、姜氏愍其節操、以玉環著于中指、而同殯焉、後韋鎮蜀、到府三日、詢獄囚、其輕重之繫、近三百餘人、其中一輩、五器所拘、偷視廳事、私語云、僕射乃當時韋兄也、乃厲聲曰、僕射、僕射、憶姜家荆寶否、韋曰、深憶之、曰、卽某是也、公曰、犯何罪而重繫、荅曰、某辭韋之後、尋以明經及第、再選青城縣令、家人誤焚廨舍庫牌印等、乃曰、家人之犯、固非已尤、卽與雪冤、乃歸墨綬、奏眉州牧、赦下、未令赴任、遣人監守、且留賓慕、時屬大軍之後、草創事繁、凡

經數月，方問玉簫何在。姜曰：僕射維舟之
夕，與伊留約七載，是期既逾，時不至，乃絕
食而終。因吟留贈玉環詩云云：韋聞之，益
增悽歎。廣修經像以報夙心，且想念之，懷
無繇再會。時有祖山人者，有少翁之術，能
令逝者相親，但令府公齋戒七日，清夜，玉
簫乃至。謝曰：承僕射寫經造像之力，旬日
便當託生，却後十三年，再爲侍妾，以謝鴻
恩。臨別微笑曰：丈夫薄憤，令人死生隔矣。
後韋以隴右之功，終德宗之代，理蜀不替。
是故年深累遷，中書令，天下響附，瀘、夔歸
心，因作生日，節鎮所賀，皆貢珍奇，獨東川
盧八座送一歌妓，未嘗破瓜之年，亦以玉
簫爲號，觀之，乃真姜氏之玉簫也。而中指
有內裏隱出不異，留別之。玉環也。韋嘆曰：
吾乃知存歿之分，一往一來，玉簫之言，斯
可驗矣。

○別詩

黃雀舍來已數春。別時留解贈佳人。長江不見魚書至。爲見相思夢入秦。
相思夢說見人秦。恍然驚疑。

崔仲容

未詳

○贈所思

所居幸接隣。
幸接隣說得欣動。相見不相親。
難堪處正在此。一似

雲間月。何殊鏡裏人。
語氣殊老。丹成空有恨。腸斷不經。

春。
愁思靡盈。願作梁間燕。無繇變此身。

○贈歌妓

水剪雙眸霧剪衣。

兩剪字輕遠明動。

當筵一曲媚春輝。瀟

湘夜色怨猶在。

怨猶在着夜色上聲聞恍惚如有所見。

巫峽曉雲愁。

不飛皓齒乍分寒玉細。

寒玉字用分字細字曲致秀入。

黛眉輕蹙

遠山微渭城朝雨休重唱滿眼陽關客未歸。

滿眼陽關。

誰得無聊使人殊不堪處。

○戲贈

暫到崑崙未得歸阮郎何事教人非。

教人非意如達而情摯。

今身佩上清籙莫遣落花霑羽衣。

似誨詞似戒詞妙在生動不入

情艷。

關盼盼

白樂天有和燕子樓詩其序云徐州張尚書有愛妓盼盼善歌舞雅多風態予

爲校書郎時游淮泗間張尚書宴于酒酣出盼盼佐歡予因贈詩句云醉嬌勝不得風嫋牡丹花一歡而去爾後絕不復知茲一紀矣昨日司勳員外郎張仲素繪之訪予因吟新詩有燕子樓詩三首辭甚婉麗詰其田乃盼盼所作也繪之從事武寧累年頗知盼盼始末云張尚書旣歿彭城有張氏舊弟中有小樓名燕子盼盼念舊愛而不嫁居是樓十餘年于今尚在余嘗愛其新作乃和之云滿窗明月滿簾霜被冷燈殘拂臥床燕子樓中寒月夜秋來祗爲一人長又云鈿帶羅衫色似烟幾迴欲起卽潛然自從不舞霓裳袖疊在空箱二十年来見說白楊堪作柱爭教紅粉不成灰又贈之絕句云黃金不惜買蛾眉揀得如花

四五枝歌舞教成心力盡一朝身去不相
隨後仲素以余詩示盼盼乃反復讀之泣
曰自公薨背妾非不能死恐百載之後人
以我公重色有從死之妾是玷我公清範
也所以偷生爾乃和白公詩云云徃徃旬
日不食而卒但吟詩云兒童不識冲天物
漫把青泥污雪毫

○燕子樓感事三首

樓上殘燈伴曉霜

伴字比次非匹黯然神傷

獨眠人起合歡床

人字床字忽然分出

出深恩不得況又

獨眠合歡乎不說下二句已盡悲楚想思一夜情

多少地角天涯未是長

○其二

適看鴻雁岳陽迴。又覩玄禽逼社來。瑤瑟玉簫無
意緒。無意緒。在瑤瑟玉簫上說。何等深曲。從已身上說。則淺率不成語矣。任從蛛網
任從灰。

○其三

北邙松柏鎖愁烟。燕子樓中思悄然。樓中何處有思。悽然哀弔。
難明。自埋。劒履歌塵散。劒履用埋字。歌塵用散字。虛實處即結處。不失紅
褪香消二十年。

、、和白舍人

自守空樓歛恨眉。自守便立志不苟。形同秋後牡丹枝。擬

曲肖居然可想

舍人不會人深意

深意總會人所不能會

訝道泉臺不

去隨

常浩

○○贈盧夫人

佳人惜顏色

惜顏色仍是佳人自陳心事妙比男人惜顏色情理勝却多少

恐逐

芳菲節

恐逐二字意緒無聊

日暮出西堂塔下見新月

見新月特

用紫下二字恍然見之

拜月仍有詞

仍有詞含吐自妙

傍人那得知

歸來玉堂下始覺淚痕垂

始覺淚痕垂宛而傷心情中偶然觸想不知其

畢竟何以淚垂也寫來妙動

○贈友人

聞道東山逸興多，爲憐明月映滄波。

此處用一憐字，自妙。

不

辭紅粉辭君去。

不辭紅粉，自有林下風氣，覺隨君去，不輕不苟。

其奈蒼生

有望何、

、閨情

門前昨夜信初來，見說行人卒未迴。誰家樓上吹

橫笛，偏送愁聲向妾哀。

向妾哀說得，笛聲情重。

起句意致微曲，後直以常語足之。

苧羅川女

王軒游諸暨，適過西施灘，題詩石上云：嶺上千峯秀，江邊衆草春。今逢浣

溪石不見浣溪人。軒回顧有女素衣瓊佩
與軒論因答以詩。軒知其異乃貽詩四韻。
佳人去千載。溪山久寂莫。野水浮白鷗。巖
花自開落。猿鶴舊清音。風月間樓閣。無語
立斜陽。幽人入天幕。女曰詩則美矣。未盡
妾之所寄也。又答詩留軒。月餘乃歸。郭素
聞其事亦往。留詩寂無所見。或嘲之曰。三
春桃李苦無言。却被斜陽鳥鵲喧。借問東
隣效西子。何如
郭素學王軒。

答王軒

妾自吳宮還越國。素衣千載無人識。當時心比金

石堅。

此時尚說金石堅反覺饒舌。

今日爲君堅不得。

其二

高花巖外曉相憐

相憐何從看一曉字微幽鳥雨動清轉可思而不可即

中啼不歇

此句妙在幽字雨字啼不歇便有一幽字在矣

紅雲飛過大江

西從此人間怨風月

崔鶯鶯

永寧尉崔鵬女其母出于鄭氏與元稹乃中表也適與鄭氏同寓蒲東普救寺

時軍人大擾稹與將黨有善者護崔免難

鄭設饌款稹命女鶯鶯出拜稹心動誘侍

女紅娘奉詞挑之翌日紅娘持一彩箋授

稹曰崔所命也題其篇曰明月三五夜繇

是通焉越明年稹往長安文戰不利遂止

于京移書于崔崔緘報之後崔委身于人

稹過崔以外兄求見崔終不出賦詩絕之

稹忿怨作會真記以醜之所云張生者自

諱

也

湘廡也廊也
西室也

○明月三五夜

待月西廡下

着一下見待月有情在

迎風戶半開

戶半開正妙在迎風

二字自然機巧變一耳靈細慧點人安能如此忖量

隔牆花影動疑是玉人

來

○絕微之

微之將行時又賦

棄置今何道

道字責意嚴正不必說出絕字意矣今字何字俱含怒意細味自知當

時且自親

反應土句只嘲笑應之矣愈婉愈難為清微之何人絕微之者何人也只令他

人憤然

還將舊來意憐取眼前人

情媚怨媚各有其至千古情人俱堪矜憫

○初絕微之

自從消瘦減容光

容光却從消瘦時
追想蕭瑟難明

萬轉千迴懶

下床

萬轉千迴反
出懶字亦深

不為傍人羞不起為郎憔悴却

羞郎

不羞不為情事。不詳眾見為郎羞郎。

只欲使其自愧耳。絕之之意已堅。

會真記附

唐貞元中有張生者性溫茂

美風容內秉堅孤非禮不可入或朋從游

宴擾雜其間他人皆洶洶拳拳若將不及

張生容順而已終不能亂以是年二十三

未嘗近女色知者詰之謝而言曰登徒子

非好色者是有淫行余真好色者而適不

我值何以言之大凡物之尤者未嘗不留

連于心是知其非忘情者也詰者識之亡

幾何，張生游于蒲，蒲之東十餘里，有僧舍。曰普救寺，張生寓焉。適有崔氏孀婦，將歸長安，路出于蒲，亦止茲寺。崔氏婦，鄭女也。張出于鄭，緒其親，乃異派之從母。是歲，渾瑊薨于蒲，有中人丁文雅，不善于軍，軍人因喪而擾，大掠蒲人。崔氏之家，財產甚厚，多奴僕，旅寓惶駭，不知所託。先是，張與蒲將之黨有善，請吏護之，遂不及于難。十餘日，廉使杜確將天子命，以統戈節令于軍。軍繇是戢，鄭厚張之德，甚因飾饌以命張。中堂宴之，復謂曰：「姨之孤嫠未亡，提携幼稚，不幸屬師徒大潰，寔是不保其身，弱子幼女，猶君之生也，豈可比常恩哉？今俾以仁兄禮奏見，冀所以報恩也。」命其子曰歡郎，可十餘歲，容甚溫美。次命女出拜，尔兄，尔兄活尔久之，辭疾。鄭怒曰：「張兄保尔之命，不然，尔且虜矣，能復遠嫌乎？」久之，乃至，常服悴容，不加新飾，垂鬟黛，接雙臉，斷紅而

已。顏色艷異、光輝動人、張驚爲之禮、因
鄭傍以鄭之抑而見也、凝睇怨絕、若不勝
其體、問其年紀、鄭曰、今天子甲子歲之七
月終、今貞元庚辰、生十七年矣、張生稍以
詞導之、不對、終席而罷、張自是惑之、願致
其情、無由得也、崔之婢曰紅娘、生私爲之
禮者數四、乘間遂道其衷、婢果驚沮、潸然
而奔、張生悔之、翌日、婢復至、張生乃羞而
謝之、不復云所求矣、婢因謂張曰、郎之言
所不敢言、亦不敢泄、然而崔之族姻、君所
詳也、何不因其德而求娶焉、張曰、予始自
孩提、性不苟合、或時純綺閑居、曾莫流盼
不爲、當年終有所蔽、昨日一席間、幾不自
持、數日來、行忘止、食忘飽、恐不能逾旦暮
若因媒氏而娶、納采問名、則三數月間、索
我于枯魚之肆矣、尔其謂我何、婢曰、崔之
貞順、自保、雖所尊、不可以非語犯之、下人
之媒、因難入矣、然而善屬文、往往沉吟章

句、怨慕者久之、試爲喻情詩、以亂之、不然則無由也、張大喜、立綴春詞二首、以投之、是夕紅娘復至、持彩箋以授張曰、崔所命也、題其篇曰、明月三五夜、張微喻其旨、是夕歲二月、旬有四日矣、崔之東有杏花樹、扳援可踰、旣望之、夕、張因梯其樹而踰焉、達于西廂、則戶半開矣、紅娘寢于床上、因驚之、紅娘駭曰、郎何以至、張因絳之曰、崔氏之賤、召我矣、爾爲我言之、亡幾、紅娘復來、連曰、至矣、至矣、張生且喜且駭、必謂獲濟、及女至、則端服嚴容、大數張曰、兄之恩、活我之家、厚矣、是以慈母以弱子、甥女見託、奈何、因不令之婢、致淫泆之詞、始以護人之亂爲義、而終掠亂以求之、是以亂易亂、其去幾何、誠欲寢其詞、則保人之姦、不義、明之于母、則背人之惠、不祥、將寄于婢僕、又懼不得發、其真誠、是用託短章、願自陳啓、猶恐兄之口兄難、是用鄙靡靡詞、以

求其必至。非禮之動。能不愧心。特願以禮
自持。毋及于亂。言畢。翻然而逝。張自失者
久之。復踰而出。于是絕望數夕。張君臨軒
猶寢。忽有人覺之。驚歛而起。則紅娘歛衾
携枕而至。撫張曰。至矣。至矣。睡何爲哉。並
枕同衾而去。張生拭目危坐。久之。猶疑夢
寐。然而修謹以俟。俄而紅娘捧崔氏而至。
至則嬌羞融冶。不能運支體。曩時端前不
復同矣。是夕旬有八日矣。斜月晶熒。幽輝
半床。張生飄飄然且疑神仙之徒。不謂從
人間至矣。有頃。寺鐘鳴。天將曉。紅娘促去。
崔氏嬌啼宛轉。紅娘又捧之而去。終夕無
一言。張生辨色而興。自疑曰。豈其夢耶。及
明。覩粧在臂。香在衣。淚光熒熒。然猶望于
茵席而已。是後十餘日。杳不復至。張生賦
會真詩三十韻。未畢。而紅娘適至。因授之
以貽。崔氏自是復容隱之。朝隱而出。暮朝
而入。同會于曩所謂西廂者。幾一月矣。張

生常詰鄭氏之情。則曰：知不可奈何矣。因欲就成之。亡何。張生將之。長安。先以詩諭之。崔氏宛無難詞。然而愁怨之容動人矣。將行之夕。再不復可見。而張生遂西。不數月。復游于蒲。舍于崔氏者。又累月。崔氏甚工刀札。善屬文。求索再三。終不可見。徃徃張生自以文挑之。不甚觀覽。大略崔之出人者。勢必窮極。而貌若不知。吉則敏辨。而寡于酌對。待張之意甚厚。然未嘗以詞繼之。時愁艷幽邃。恒若不識。喜慍之容。亦罕形見。異時。獨夜操琴。愁弄悽惻。張竊聽之。求之。則終不復鼓矣。以是愈惑之。張生偶以文調及期。又當西去。當去之夕。不復自言其情。愁嘆于崔氏之側。崔已陰知將訣矣。恭貌怡聲。徐謂張曰：始亂之。終弃之。固其宜矣。愚不敢恨。必也君亂之。君終之。君之惠也。則沒身之誓。其有終矣。又何必深感于此。行然而君既不憚。無以奉寧。君嘗

謂我善鼓琴。向時羞顏所不能及。今且往
矣。既君此誠。因命拂琴。鼓霓裳羽衣。序不
數聲。哀音怨亂。不復知其是曲也。左右皆
歔歔。崔亦遽止之。投琴泣下。流連趨歸鄭
所。遂不復至。明旦而張行。明年文戰不勝。
遂止于京。因貽書于崔。以廣其意。崔氏緘
報之詞。粗載于此。云。捧覽來問。撫愛過深。
兒女之情。悲喜交集。兼惠花勝一合。口脂
五寸。致曜首膏脣之飾。雖荷殊恩。誰復爲
容。觀物增懷。但積悲歎。便伏承使于京中。
就業進修之道。因在便安。但恨僻陋之人。
永以遐弃。命也如此。知復何言。自去秋以
來。嘗忽忽如有所失。于誼譁之下。或勉爲
語笑。閑宵自處。無不淚零。乃至夢寐之間。
亦多敘感咽離憂之思。綢繆繾綣。誓若尋
常。幽會未終。驚魂已斷。雖半衾如暖。而思
之甚遙。一昨拜辭。倏逾舊歲。長安行樂之
地。觸緒牽情。何幸不忘幽微。眷念亡教。鄙

終意難終、慢臉含羞態、芳詞誓素衷、贈環明運合、留結表心同、啼粉流清鏡、殘燈遶閨蟲、華光猶冉冉、旭日漸瞳瞳、乘鶯還歸洛、吹簫亦止嵩、衣香猶染麝、枕賦尚殘紅、幕幕臨塘草、飄飄思渚蓬、素琴鳴鶴怨、清漢望歸鴻、海闊誠難度、天高不易沖、行雲無處所、蕭史在樓中、張之友聞之者、莫不聳異之、然而張亦志絕矣、顧特與張厚、因徵其詞、張曰、大凡天之所命尤物也、不妖其身、必妖于人、使崔氏子遇合富貴、乘寵嬌、不爲雲爲雨、則爲蛟爲螭、吾不知其所變化矣、昔殷之辛、周之幽、據百萬之國、其勢甚厚、然而一女子敗之、潰其衆、屠其身、至今爲天下僂笑、予之德、不足以勝妖孽、是用思情、于時坐者皆爲深歎、後歲餘、崔已委身于人、張亦有所娶、後乃因其夫言于崔、求以外兄見、夫語之、而崔終不爲出、張怨念之誠、動于顏色、知之、潛賦一章、竟

不之見。後數日，張生將行，又賦一章以謝絕之。自是絕不復知矣。時人多許張爲善補過者矣。予嘗于朋會之中，徃徃及此意者。使夫知者不爲，爲之者不惑，貞元歲，執事李公垂，宿于予靖安里第，語及于是。公垂卓然稱異，遂爲鶯鶯歌以傳之。崔氏小名鶯鶯，公垂以命篇。

故臺城妓

○金陵詞

宮中細草香紅濕。宮中纖腰碧窗泣。

纖腰不及細草。人能知之。

濕字泣字。兩相呼應。愈覺哀慘。惟有虹梁春燕雛。猶傍朱簾玉鈎。

立。後二句復引一意。愈難堪處。

楚兒

楚兒字潤娘素爲三曲之尤而辨慧往往有詩句可稱近以退暮爲萬年捕賊官郭鍛所約置于它所潤娘在倡中狂逸特甚及被拘繫未能悛心鍛主繁務又本居有正室至潤娘館甚稀每有舊識過其所居多下窗牖間相呼或使人詢訊或以中菱送遺鍛乃親仁諸裔孫也爲人異常兇忍且毒每知必極笞辱潤娘雖甚痛憤已而殊不少革嘗一日自曲江與鍛行前後相去十數步同版使鄭光業昌國時爲補衮道與之遇楚兒遂出簾招之光業亦使人傳語鍛知之因曳于中衢擊以馬箠其聲甚寃楚觀者如堵光業遙視之甚驚悔且慮其不任矣光業明日特取路過其居偵之則楚兒已在臨街窻下弄琵琶矣駐馬使人傳語已持衫箋送光業詩云云光業馬上取筆答之曰大開眼界莫言寃畢世耳他也是緣無計不煩乾屢蹇有門須是

疾連拳據論當道加嚴箠便合被緇念法
蓮如此與情殊不減始知昨日是蒲鞭光
業性疎縱但無畏憚不拘小節是以敢駐
馬報復仍便送之聞者皆縮頸鍛累主兩
赤邑捕賊故不逞之徒
多所效命人皆憚焉

送光業

應是前生有宿冤不期今世惡因緣蛾眉欲碎巨
靈子鷄肋難勝子路拳寫事自祇擬嚇人傳鉄券

未應教我踏金蓮絕無悔艾宜其箠楚不使人曲
矜憫也即光業詩已言之

江昨日君相遇當下遭他數十鞭詩無志意可以
感人則按之早

澁不成
聲矣

王福娘

北里志云、福娘、字宜之、甚明哲、豐約合度、談論風雅、且有体裁、故天官崔知之

侍郎嘗于筵上與詩曰、怪得清風送異香、娉婷仙子曳霓裳、惟應錯認偷香客、曼倩曾爲漢侍郎、次曰、小福、似能之、雖乏丰姿、亦甚慧黠、予在京師、與羣從少年習業、或倦悶時、廻詣此處、與二福環坐、清談雅飲、尤見風態、予嘗贈宜之詩曰、彩翠仙衣紅玉膚、輕盈年在破瓜初、霞杯勸酒劉郎飲、雲髻慵邀阿母梳、不怕寒侵緣帶寶、等憂風舉倩持裾、謾圖西子晨妝樣、西子元來未得如、得詩甚多、頗以此詩爲稱極、持詩于窗左紅牆、謂予題之、及題畢、以未滿壁、請更作一兩篇、且見我無艷、予因題三絕、句如其自述、其一曰、移壁回窗費幾朝、指環偷解薄蘭椒、無端鬬草輸隣女、更被拈將玉步搖、其二曰、寒繡紅衣餉阿嬌、新團香獸不禁燒、東隣起樣裙腰闊、刺蹙黃金

線幾條。其三曰：試共卿卿戲語粗。西堂連
遣侍兒呼。寒肌不奈金如意。白獺爲膏郎
有無。尚餘數行未滿。翌日詣之。忽見自札
後宜之題詩曰：苦把文章遂勸人。吟看好
箇語言新。雖然不及相如賦。也值黃金一
二斤。宜之每宴洽之際。嘗慘然悲鬱。如不
勝。任合坐爲之改容。久而不已。靜詢之。荅
曰：此蹤跡安可迷。而不返耶。又何計以返。
每思之。不能不悲也。遂嗚咽久之。它日忽
以紅箋授予。泣且拜。余因謝之曰：甚知幽
旨。但非舉子所宜。何如。又注曰：某幸未係
教坊籍。君子倘有意。一二百金之費。爾未
及荅。因授予筆。請和其詩。予題其箋後曰：
韶妙如何有。遠圖未能相爲信。非夫泥中
蓮子。雖無染。移入家園。未得無覽之。因泣
不復言。自是情意頓薄。其夏。予東之洛。或
醵飲于家。酒酣。數相囑曰：此歡不知可繼
否。因泣下。泊冬。初還京。累爲豪者主之。不

復可見。至春上巳日，因與親知褊于曲水，
聞隣棚絲竹，因而視之。西座一紫衣，東座
一縑麻，北座者，偏通麻衣，對米盂爲糾。其
南二妓，乃宜之與母也。因于棚後候其女
傭，以詢之，曰：宣陽絲纈鋪張言，爲街使卽
官置宴，張卽宜之所主也。時街使令埤爲
敬瑄二縑，蓋在外艱耳。及下棚，復見女傭
曰：來日可到曲中否？詰旦詣其里，見能之
在門，因邀下馬。子辭以他事，立乘與語，能
之乃團紅巾，擲子曰：宜之詩也。子覽之，悵
然馳回，且不復及其門。

○寄紅菱

日日悲傷未有圖，
懶將心事話凡夫。

二句何等珍重。

非同

覆水應收得，
只問仙郎有意無。

只有意二字。問詞從來薄倖人，使他

再開口
不得。

○擲紅巾詩

久賦恩情欲託身。賦字卽賦命賦字。此字有天意在。說得不輕。已將心
事再三陳。泥蓮旣沒移栽分。今日分離莫恨人。此如

語氣痛絕想絕。

名媛詩歸卷之十四 終

名媛詩歸卷之十五目錄

唐七

步非煙

酬趙生

寄趙生蟬錦香囊

寄懷趙生詩

贈趙生

鮑四絃

勸韋酒歌

歌送酒

劉采春

囉噴曲

五首

嵩山女

贈任生

二首

睂娘

和錦城春望

和理笙

杜秋娘

金縷詞

陸濛妻蔣氏

應聲吟

元和內人

嘲陸暢吳音

周德華

楊柳枝詞

楊監真

得授仙詩

四首

王氏

贈李章武 三首

韋璜

寄外

留贈嫂

襄陽妓

送武補闕

曹文姬

送春詩

章臺柳

荅韓節度

平康妓

書紅箋

盛小叢

突厥三臺

趙虛舟

贈戲

徐月英

送人

敘懷

紅綃

坐吟

卓英英

錦城春望

理笙

游福感寺答少年

章答玄士

趙鸞鸞

雲鬟

柳眉

檀口

酥乳

纖指

李節度使姬

書紅綃帕二首

會張生述懷

名媛詩歸
四
迴文四絕

韓僕射姬

贈別

葛氏女

和潘雍

太原妓

寄歐陽詹

武昌妓

楊柳枝

段東美

席上贈薛宜僚

顏令賓

病中見落花

萊兒

酬天水光遠

王蘇蘇

答李標

目次

畢

名媛詩歸卷之十五

景陵鍾 惺伯敬點次

唐 七

步非煙

臨淮武公業咸通中任河南府功曹參軍愛妾非煙姓步氏容止纖麗不勝綺

羅善秦聲好文筆尤工擊甌其韻與絲竹合公業甚嬖之比隣有趙生名象端秀有文纔弱冠一日于南垣隙中窺見非煙神氣俱喪乃厚賂公業門媼以詩誘之曰一覩傾城貌塵心只自倩不隨蕭史去擬學阿誰來非煙回東兼以詩荅之趙又曰珍重佳人贈好音絲菱芳翰兩情深薄於蟬翼難供恨密似蠅頭易寫心疑是落花迷碧洞只思輕雨灑幽襟百迴消息千迴夢裁作長誼寄綺栒非煙偶病旬日題詩并

連蟬錦香囊贈趙。乃踰垣相從。趙曰。十洞
三清雖路阻。有心還得傍瑤臺。瑞香風引
思深。夜知是蕊宮仙馭來。非烟復答以詩。
公業後知呼烟詰之。烟色動聲戰。不以實
告。公業愈怒。鞭楚血流。但云生得相親。死
亦何恨。公業答殺之。趙卽變服易名。竄于
江淮。

○酬趙生

綠慘雙蛾不自持。

綠慘字貼入雙蛾上。愁懷無倚。覺不自持。果然欹側難將。只

因幽恨在新詩。郎心應似琴心怨。脉脉春情更泥。

誰。

泥字誰字。含意無盡。

○寄趙生蟬錦香囊

無力。嚴粧倚繡櫳。

頻迭無力字。只在下暗題蟬錦倚字耳。不作倦字看。

思難窮。近來贏得傷春病。柳弱花欹。怯曉風。

弱字欹字

應怯字尚淺。深處正在應曉字耳。

凝思凝怨。悽惻不能直盡。

○寄懷趙生詩

画簷春燕須同宿。雙鴛肯獨飛。長恨桃源諸

女伴。等閒花裏送郎歸。

等閒。不禁後人一恨。將長恨微想一遇不覺等閒送

歸者。艸草錯認。

○贈趙生

相思只恨難相見、相見還愁却別君。

只疊得相見二字語氣悽

然。不堪

願得化為松上鶴、一雙飛去入行雲。

一雙飛去。

再讀

親睚不

堪經想。

鮑四絃

鮑生妾也。鮑生多蓄聲妓。外弟韋生。好乘駿馬。客遊四方。各求所好。一日東歸。同憇水閣。鮑以夢蘭小情。佐勸飲。酣停杯。關馬。韋曰。能以人換。任選殊尤。鮑欲馬之意。頗切。密遣四絃。更衣盛粧。頃之而至。乃命勸韋酒。歌云。韋牽紫叱。撥以酌之。

○勸韋酒歌

白露濕庭砌。皓月臨前軒。此時去留恨。

去留恨。默默自知。忽

于此時一想。

含思獨無言。

中懷難竟。

○歌送酒

風風荷珠雖暫圓。

雖暫圓。不敢自信意深。

多情信有短姻緣。

此忽反說信有。却含微諷。

西樓今夜三更月。還照離人泣斷絃。

還照字。問得慘然。

劉采春

浙人也。嘗作羅噴曲。元稹廉問浙東。贈采春詩云。新妝巧樣畫新蛾。慢裏常州

透額羅。正面偷輪光。滑笏緩行輕。踏皺紋波。言詞雅措。風流足。舉止低徊。秀媚多。更有惱人腸。斷處選詞能唱。望夫歌。望夫歌者。即羅噴曲之詞也。

○○羅噴曲

不喜秦淮水。生憎江上船。

不喜字。深而微。生憎字。直而動。總是情緒無奉。

載兒夫婿去

兒字口角可憐。載兒字埋怨得妙。

經歲又經年

歲年却把

又字分出。

何堪經想。

○○其二

借問東園柳枯來得幾年

得字問。自無枝葉分。分字

安心正志。莫怨太陽偏。不堪白處。

○○其三

莫作商人婦

莫作商人婦。懊恨無端。然非淫褻聲口。

金釵當卜錢

接語

不倫。妙在情理。忽然偶值。

朝朝江口望

朝朝字。便合下錯認矣。

錯認幾人

船

○其四

邯○年○離○別○日○

回想俱屬虛摹。年字。日字。意直警動。

只○道○在○桐○廬○

只道字。含

語未竟。

桐○廬○人○不○見○今○得○廣○州○書○

却是得書後疑猜未定。輾轉不釋。其

意在。

其五

昨○日○勝○今○日○

兩日便分出勝字。可傷。

今○年○老○去○年○黃○河○清○有○

日○

清有日豈堪相待。

白○髮○黑○無○緣○

俱從苦情生想。不經事口角。宛動依人。

嵩○山○女○

任生隱嵩山。夜遇女子。贈之以詩。生拒。不納。後又至。復贈以詩。生終不納。而士

生病數月，父至，笑曰：薄命漢，大數盡矣，遂卒。

贈任生

我居籍上清，謫居滌五嶽。以君無俗累，來勸神仙學。
籍字學字。倒用便不率。

○其二

葛洪亦有婦，王母亦有夫。神僊盡美匹。

美匹二字，居然僊分。

人語。以其文秀無俗氣也。君子意何如。

意何如。只虛虛較度。無驕挾迫脅意。只覺深情。

秀婉可憐。

眉娘

眉娘，未詳何人。三詩俱託神仙出世之詞，然語氣太直，殊欠僊人風度。

和鐙城春望

蠶市初開處處春，九衢明艷起香塵。世間總有浮
華事，爭及仙山出世人。仙山出世。浮薄可恨。

和理箏

但於閨閣熟吹笙

熟吹笙醜甚

太白真仙自有情，他日

丹青驂白鳳，何愁子晉不聞聲。

杜秋娘

金陵娼家女，年十五爲李綺妾，常乃唱金縷詞勸酒。

○金縷詞

勸君莫惜金縷衣，勸君須惜少年時。花開堪折直

須折莫待無花空折枝

氣緒排宕風情自
豪仍有憫世之意

陸濛妻蔣氏

蔣凝之女善屬文而酖酒後染邪

應聲吟詩時僧知業有詩名偶訪濛談玄
之次蔣遠令婢遍一杯酒與僧僧求免云
不曾飲蔣隔簾對曰祇如上人詩云接壘
橋通何處路倚欄人是阿誰家觀此風韻
得不飲乎業公
慚忤起而退

應聲吟

平生偏好酒勞爾勸吾餐但將樽中滿時光度不

難

醜事自
無詩意

元和內人

嘲陸暢吳音

十二層樓倚翠空。鳳鸞相對立梧桐。
相對立。矯然不羣。雙

成走報監門外。莫使吳歛入漢宮。

題只作嘲語耳。曲而動。宛而多風。意義自文。

周德華

○楊柳枝詞

清溪一曲柳千條。
清溪一曲。二十年。前舊板橋。

映帶得妙。

何從着二十字。
可會而不可想。
曾與情人橋上別。更無消息到今

朝。
挺動。三字。

楊監真
吳清妻

得授仙詩

天教絕粒應精誠。
道啓真心覺漸清。
應字不作虛想。清字不作

玄想。皆真實得道語。始
覺天字道字。皆有真際。
雲外仙歌笙管合。花間風

引步虛聲

其二

飛鳥莫到人莫攀。
一隱十年不下山。
世人那得有此堅忍。褰

中短書誰爲達，華山道士賣藥還。

語含警戒堅貞，忽寫寄書一段，不知樂之何至，妙于形容。

其三

日落焚香坐醮壇，庭花露濕漸更闌。

靜中觀物妙理。

淨水

仙童調玉液，春宵羽客化金丹。

其四

攝念精思引彩霞。

攝念精思四字，是仙人一段實地工夫，平平說出，卽接着引彩

霞三字，何等深切。

焚香虛室對烟花，道合雲霄游紫府。

然真境，瑞皇家。

王氏

長安人姿容俊雅李章武至都見而悅之遂賃其家乃私通焉居二三月武繫事告歸留交頸鴛鴦絹一端仍贈以詩曰贈爾鴛鴦絹知結幾千絲別後尋交頸應傷未別時王荅白玉指環一雙并覆以詩後竟以憶生卒○別本載華州王氏卽此

○贈李章武

河漢已傾斜神魂欲超越願郎更迴抱

此願深懇處正使迴

抱非苟

終天從此別

○其二

昔辭懷後會今別便終天新悲與舊恨千古閉重

泉

千古總結新舊字

○其三

念子還相思見環重相憶

念字思字憶字細分俱有微情願君永

持玩循環無端極

中情蹀躞呢呢而不敢盡

韋璜

周混妻

○寄外

早知離別切人心悔作從來恩愛深

悔處不在從來恩愛只在

不早知離別耳切人心三字映下深

黃泉冥漠雖長逝白日屏幃還

重尋

哀慘之氣。
警人心魄。

○留贈嫂

赤心用盡爲相知、慮後防前祇定宜。

定宜二字合來原本不激

不遂。張弛款綮俱在其中。覺慮後防前。自爾詳審。

案牘可申生節目。桃符

雖聖欲何爲。

語氣既盡猶含餘忿其言永嘆俱不能平

襄陽妓

賈郎中與武補闕至岷山遇一妓同飲妓自稱襄陽人席中贈詩以敘別意

○送武補闕

弄珠灘上欲消魂、獨把離懷寄酒尊。

離懷可把亦只獨把耳用

寄字

無限烟花不留意

不留意三字
忽然靜正。

恐教芳草怨

王孫

曹文姬

長安妓工詞翰欲求為倡者先投詩以
待其自擇有

上掌詩仙一染塵心謫九天莫怪濃香薰
骨賦霞衣曾惹御鑪烟姬得詩大喜遂留
為偶五年後因春三月飲歌送春詩乃與
生曰妾本上天書仙以情愛謫居人世今
當回我見朱衣吏持玉版至曰李長卿撰
白玉樓記召汝書碑生方悟妓乃仙女也
遂同拜命共舉步騰空而去

送春詩

仙家無夜亦無秋紅日春風滿翠樓

麗景太
覺濃艷遙望

名媛詩歸

卷五

七

碧霄歸路穩。穩字可能同駕五雲蚪。

章臺柳

李王孫妓也。李與韓翊善。柳語李曰。韓秀才窮甚矣。必不久貧賤。宜假借之。李深領焉。一日酒酣。命柳從坐。接韓。韓懇辭不敢當。李曰。大丈夫相遇。杯酒間。一言道合。死且許之。况一婦人哉。柳卒歸韓。來歲成名。節度侯希逸奏為從事。韓置柳都下。三歲不果迎。寄詩曰。章臺柳。往日青青今在否。縱使長條似舊垂。也應攀折他人手。柳詩荅云云。落髮為尼。後為番將沙叱利所劫。及韓隨希逸入朝。聞之。悵然不樂。適宴會中丞許俊。被酒起曰。得員外手書數字。當為員外立致之。乃急乘馬馳入叱利第。會利出。許即入。曰。將軍。嗟。且不放遣取夫人。柳驚出。許示以書。即扶上馬。馳去。一座驚嘆。同白希逸。修表上聞。詔柳歸韓焉。

○荅韓節度

楊柳枝芳菲節

芳菲節黯然情傷

可恨年年贈離別

年年字說

贈離別。可畏可感。不特可恨矣。

一葉隨風忽報秋縱使君來豈堪

折

激直痛楚絕不宛曲。

可想其胸懷鬱憤。

平康妓

裴思謙及第後作紅箋名紙十數幅詣平康里宿焉詰旦一妓取紅箋賦詩云

云

書紅箋

銀缸斜背解鳴璫。小語偷聲喚玉郎。

一句之中自多妖氣媚氣

諛氣寫得七字出。情字愛字畢。從此不知蘭麝貴。

竟拋荒一半。看下一二句。益知之。

夜來新惹桂枝香。

李尚書訥為浙東廉使。夜登越城樓。聞

盛小叢歌聲激切。召至。乃小叢歌突厥三臺詞。

也。時崔侍御元範至。府幕赴闕。李餞之。命小叢歌餞。在座各為一紙贈之。其為名流所重如此。

突厥三臺

雁門山上雁初飛。馬邑關中馬正肥。日旰山西逢

驛使。殷勤南北送征衣。

直是王昌齡高適一絕句矣。氣厚而脈古。

趙虛舟

未詳

○贈戲

砌下梧桐葉正齊。花繁雨後厭枝低。

厭字卽空牀月。厭人厭字。

若非厭字看便直而俚。不成詩矣。

報道不須鷓鴣鳥亂他家自有鳳。

凰樓。

只此言矜重不欲輕薄他人也。

徐月英

江淮妓女與情郎別云枕前淚與階前雨隔箇紗窗滴到明有集行于世金陵

徐氏諸公子寵一營妓死乃焚之月英送葬謂徐公子此娘平生風流沒亦帶烟時

號美諛也

○○送人

惆悵人間萬事違。

起語摠括。若其上更有數句在。語意深遠。兩人同去

一人歸。

回想真有不堪在。

生憎平望亭前水。忍照鴛鴦相

背飛。

忽起一意。此興俱足。

敘懷

爲失三從泣淚頻。此身何用處人倫。

恨甚憤甚

雖然日

逐笙歌樂常羨荆釵與布裙。

哀詞正性。千古怨憤。覺其語言不可盡處。皆其不欲盡處也。

紅綃

唐大曆中有崔生者其父爲顯僚與蓋天之勲臣一品者善生是時爲千牛其父使

往省一品疾生少年容貌如玉性稟孤介舉止安詳發言清雅一品命妓是時爲生

入室生拜傳父命一品忻然愛慕命生與
語時三妓人艷皆絕代居前以金甌貯緋
挑而擎之沃以其酪而進一品遂命衣紅
綃妓者擎一甌與生食生少年赧妓輩終
不食一品命紅綃妓以匙而進之生不得
已而食妓哂之遂告辭而去一品曰郎君
閑暇必須一相訪無間老夫也命紅綃送
出院時生回顧妓立三指又反掌者三然
後指胸前小鏡予云記取餘更無言生歸
達一品意返學院神迷意奪語減容沮悅
然凝思日不暇食但吟詩曰誤到蓬山頂
上游明瑞玉女動星眸朱扉半掩深宮月
應照瓊枝雪艷愁左右莫能窺其意時家
中有崑崙磨勒顧瞻郎君曰心中有何事
如此抱恨不已何不報老奴生曰汝輩何
知而問我襟懷間事磨勒曰但言當爲郎
君釋解遠近必能成之生駭其言異遂具
告知磨勒曰此小事耳何不早言之而自

苦耶。生又白其隱語。勅曰。有何難會。立三
指者。一品宅中。有十院歌妓。此乃第三院
耳。反掌三者。數十五指。以應十五目之數。
胷前小鏡子。十五夜月圓如鏡。令郎君來
耳。生大喜。不自勝。謂勅曰。何計而能達我
機。結乎。磨勒笑曰。後夜乃十五夜。請深青
絹兩疋。爲郎君製束身之衣。一品宅有猛
犬。守歌妓院門外。常人不得輒入。入必噬
殺之。其警如神。其猛如虎。卽曹孟海州之
犬也。世間非老奴不能斃此犬耳。今夕當
爲郎君搗殺之。遂宴犒以酒肉。至三更。携
鍊椎而往。食頃而回。曰。犬已斃。訖固無障
塞耳。是夜二更。與生衣青衣。遂負而踰十
重垣。乃入歌妓院內。止第三門。繡戶不扃。
金釭微明。惟聞妓長歎而坐。若有所伺。翠
環初墜。紅臉纔舒。幽恨方深。殊愁轉結。但
吟詩云云。侍衛蓄寢。隣近聞然。生遂掀簾
而入。姬默然良久。躍下榻。執生手曰。知郎

君穎悟必能默識所以手語耳又不知郎君有何神術而至此生具告磨勒之謀負荷而至姬曰磨勒何在曰簾外耳遂召入以金甌酌酒而飲之姬白生曰某家本居朔方主人擁旄逼爲姬僕不能自死尚且偷生臉雖鉛華心頗鬱結縱玉筋舉饌金鑪泛漿雲屏而每近綺羅繡被而常眠珠翠皆非所願如在桎梏賢爪牙既有神術何妨爲脫狴牢所願旣伸雖死不悔請爲僕隸願侍光容又不知郎君高意如何生愀然不語磨勒曰娘子旣堅確如是此亦小事耳姬甚喜磨勒請先爲姬負其囊橐救奮如此三復焉然後曰恐遲明遂負生與姬而飛出峻坦十餘重一品家之守禦無有驚者遂歸學院匿之及旦一品家方覺又見犬已斃一品大駭曰我家門垣從來邃密尙鏑甚嚴勢如飛驕寂無形跡此必是一大俠矣毋更聲聞徒爲患禍耳姬

隱生家二年、因花時、駕小車而游曲江、爲
一品家人潛誌認、遂白一品、一品異之、召
崔生而詰之、生懼而不敢隱、遂細言端由、
皆因奴磨勒負荷而去、一品曰、是姬大罪
過、但郎君驅使、踰年卽不能問、是非某須
爲天下人除害、命甲士五十人嚴持兵仗、
圍崔生院、使擒磨勒、磨勒遂持匕首、飛出
高垣、瞥若翅翎、疾同鷹隼、攢矢如雨、莫能
中之、頃刻之間、不知所向、然崔家大驚愕、
後一品悔懼、每夕、多以家僮持劒戟自衛、
如此周歲方止、十餘年、崔家有人見
磨勒賣藥于洛陽市、容髮如舊耳、

○坐吟

深谷鶯啼別院香、偷來花下解珠璫、碧雲飄斷音

書絕、空倚玉簫愁鳳凰、

倚玉簫秀
思無倫。

幽房深屏生愁引緒
細咏長吟殊難自遣。

卓英英

未詳

錦城春望

和風裝點錦城春。細雨如絲壓玉塵。

壓字妙。如絲二字九覺微

動。漫把詩情訪奇景。

把詩情訪奇景。理氣粗浮。

艷花濃酒屬閒

人。頑艷太露。癡肥氣。

○理笙

頻倚銀屏理鳳笙。

頻倚二字好。

調中幽意起春情。

調中知有

幽意。幽意復起春情。因思往事成惆悵。不得綏山疊意相承。妙在神會。

和一聲

游福感寺荅少年

牡丹未及開時節

牡丹未及開時節。先有具眼在下句感慨自深。

況是秋

風莫近前留得來年二三月一枝和露壓神仙

此醜

句不堪入咏

荅玄士

數載幽欄種牡丹裏香包艷待神仙
神仙既有丹青術携取何妨入洞天

包艷二字亦新然欠雅

此有服食芝朮氣然是朝哂他人非自述語也。已落孤氣矣。

趙鸞鸞

名妓也作閨房謔咏五首

○雲鬟

擾擾香雲濕未乾

擾擾字濕字摹香雲神肖

鴉領蟬翼膩光寒

膩光寒俱貼上句細形容香艷在目

側邊斜插黃金鳳粧罷夫君

帶笑看

細心香致領入俱微

柳眉

彎彎柳葉愁邊戲

愁邊戲覺灣灣二字動宕非常

湛湛菱花照處

頻

此句雖不如上句之妙然妙處在頻字押得勁

無媚不煩螺子黛春山

画出自精神

檀口

銜杯微動櫻桃顫、咳垂輕飄茉莉香、曾見白家樊

素口、瓠犀顆顆綴榴房、

後二語忽另作一意以前二句太緊湊不能鬆放故

也。

形肖太似。所以遜前二作。此皆極力發題意也。

酥乳

粉香汗濕瑤琴軫、

句甚和雅。

春逗酥融綿雨膏、浴罷檀

郎捫弄處

只爲欲接下句。便不

及顧此率語醜語矣。露華涼沁紫葡萄。

此句畢竟流
艷。不能割愛。

纖指

纖纖軟玉削春葱，長在香羅翠袖中。

此句太近。昨。

日。琵琶絃索上。

昨日二字。映帶得好。

分明滿甲染猩紅。

李節度使姬

京師宦子張生，因元宵游乾明寺，拾得紅綃帕，裏一香囊，有細書絕

句一首。詩尾書曰：有情者若得此，欲與妾

一面。請來年燈夕，于相藍後門車前有雙

鴛鴦燈者，是也。生歎賞久之，乃和其韻自

觀佳人遺贈物，書窓終日獨無聊，未能得

會真仙面時，賞香囊與絳綃，如期生往候

果見雕輪繡轂，掛雙鴛鴦燈一盞，但騶衛

甚衆，無計可就，乃誦詩于車後。女至寺，令

尼約生，次日與之歡合，生問之，女即口占

一詩吟畢，告曰：妾乃節度使李公寵姬也。余公老邁，誤妾芳年，遂與侍婢彩雲隨生逃隱，居姑蘇偕老焉。

書紅綃帕

囊裏真香誰見，竊紋綃滴淚染成紅。殷勤遺下輕綃，意好與情郎懷袖中。

如此語絕非情艷人所為。

其二

金珠富貴吾家事。

如此語却鄙。

常渴佳期，乃寂寥偶用。

志誠求雅合。

雅合二字，差解人意。妙處只在良媒偶川志誠，非有風詞使非苟合。

厚曰：那知拾得果是佳戲人。此原但可謂多情耳。

未必勝紅綃

○會張生述懷

門前画戟尋常設。堂上犀簪取次看。二語蓋甚鄙之也。最

是惱人情緒處。鳳凰樓上月華寒。鳳凰樓上月華寒。耐此景不得。

耐此想不得。

薛氏

名妓也。姿容俊雅。時稱為仙姬。作迴文詩四絕。反復皆成文義。時又稱之為小蘇。

迴文四絕

其一
咏春

花朶幾枝柔。傍砌柳絲千縷細。搖風。柔字。細字。俱寫得明遠。

霞明半嶺西。斜日月上孤村一樹松。七字順讀孤。側讀則奇。

名媛詩歸
卷三
挺矣。

其二 詠夏

凉回翠鈿冰人冷

冰人冷奇矣冷人冰簟更奇

齒沁清風夏井

寒香篆裊風青縷縷

青縷縷縹緲恍惚縷縷青風便不成句

紙窗明

月白團團

其三 詠秋

蘆雪覆汀秋水白柳風凋樹晚山蒼

深秋佳境寫來悽遠

孤

燈客夢驚空館

此處着驚字忽然情動

獨雁征書寄遠鄉

倒押

獨字高而渾

其四

詠冬

天凍雨寒朝閉戶

雅人深處。自雪飛風冷夜關城

酷似小邑

殷紅炭火圍鑪暖淺碧茶甌注茗清

淺碧

孤城景況

茶妙甚甌茶碧淺便不如前矣

迴文詩妙在倒讀文義益流貫此爲得之

韓僕射姬

韓僕射續請韓熙載撰父神道碑珍貨外仍奉一歌妓爲潤筆文成但敘

譜系品秩及薨葬哀贈而已續封還意其改竄熙載亟以歌妓珍貨還之姬因題詩

于泥金雙帶云

○贈別

風柳搖搖無定枝。

自傷語氣。說來警敏。

陽臺雲雨夢中歸。

夢中

用歸字正以雲

雨皆幻境也。

他年蓬島音塵絕。留取尊前舊舞

衣。

留取二字。悵嘆不能盡。

葛氏女

、、和潘雍

九天天遠瑞烟濃。駕鶴驂龍意已同。

意已同可稱靈匹。

從

此三山山上月。瓊花開處照春風。

太原妓

歐陽詹字行周。泉州晉江人。弱冠能屬文。天縱浩汗。貞元年登進士第。畢闈試。

薄游太原。于樂籍中因有所悅。情甚相得。及歸。乃與之盟口。至都當相迎耳。卽洒泣

而別。仍贈之詩曰：驅馬漸覺遠，回顧長路塵。
高城已不見，况復城中人。去意既未弇，居情
諒多辛。五原東北晉，千里西南秦。一屨不
出門，一車無停輪。流萍與繫匏，早晚期相
親。尋除國子四門助教，住京籍中者，思之
不已。經年得疾，且甚，乃危粧，引髻刀而匣
之。顧謂女弟曰：吾其死矣。苟歐陽使至，可
以是爲信。又遺之詩云云。絕筆而逝。及詹
使至，女弟如其言，徑持歸京，具白其事。詹
啓函閱之，又見其詩，一慟而卒。故孟簡賦
詩哭之，序曰：閩越之英，惟歐陽生。以能文
擢第，爰始一命。食太學之祿，助成均之教。
有懔績矣。我唐貞元己卯歲，曾獻書相府，
論大事，風韻清雅，詞旨切直。會東方軍興，
府縣未暇慰薦。久之，倦游太原，還來帝京。
卒官靈臺。悲夫！生于單貧，以狗名故。心專
勤儉，不語聲色。及茲筮仕，未知洞房纖腰
之爲蠱惑。初抵太原，居大將軍宴席上妓

有此方之尤者、屢目于生、生感慨之、留賞累月、以爲婉美之樂、盡在是矣、旣而南轅妓請同行、生曰、十目所視、不可不畏、辭焉、請待至都而來迎、許之、乃訣去、生竟以連蹇不克、如約過期、令甲遣乘、密往迎妓、妓因積望成疾、不可爲也、先大故之夕、剪其雲髻、謂侍兒曰、所歡應訪我、當以髻爲貺、甲至、得之、以乘、空歸、授髻于生、生爲慟、涉旬而生亦歿、則韓退之作何蕃書、所謂歐陽詹者、生也、河南穆玄道訪予、嘗嘆息其事、嗚呼、鍾愛于男女、索其效死、夫亦不蔽也、大凡以時斷割、不爲麗色所汨、豈若是乎、古樂府詩、有華山畿、玉臺新詠、有廬江小吏、更相死、或類于此、暇日偶作詩以紀之、云、有客初北逐、馳驅次太原、太原有佳人、神艷照行雲、座上轉橫波、流光注夫君、夫君意宕漾、即目相交歡、恩情非一詞、結念誓青山、生死不變易、中誠無間言、此爲

太學徒彼屬北府官中夜欲相從嚴城限
市門白日欲同居君畏他人聞忽如隴頭
水坐作東西分驚離腸千結滴淚眼雙昏
本朝達京師迴駕方追攀宿約始乖阻巧
笑安能干防身本苦節一去何
由還後生莫沉迷沉迷喪其真

○寄歐陽詹

自從別後減容光半是思郎半恨郎。
思恨却分得半字出細心

體會中得之欲識舊來雲髻樣。
欲識二字願望得深為奴開取縷

金箱。
為奴二字亦甚親昵

武昌妓。
妓失其姓名韋瞻廉問武昌及罷賓僚盛陳祖席瞻首書文選句云悲莫悲兮

生別離登山臨水送將歸以牋毫授賓徒請續其句座中悵望皆思不屬逡巡有妓

泣然起曰、某不才、不敢染翰、欲口占兩句、
韋大驚異、令隨口寫之、座客無不嘉羨、韋
令唱楊柳枝詞、極歡而散、贈
數十、交納之、翼日具載而發、

○楊柳枝

悲莫悲兮生別離。登山臨水送將歸。

送將歸何處說起却如何

接着上句。又如何接着下句。自然靈妙絕不覺其續韻。其故難言。

武昌無限新栽

柳不見楊花撲面飛。

段東美

薛宜僚、會昌中、爲左庶子、充新羅冊贈使、由青州泛海船、頻阻惡風雨、至登州、

邨源廻、泊青州郵傳、一年、薛寓烏漢貞家、尤特遇、有籍中飲妓段東美者、薛頗屬意、連帥置于駟中、是春、薛發日、祖筵、嗚咽、流涕、東美亦然、乃于席上留詩云云、薛到外

國未行冊禮旌節曉夕有聲旋染久謂判
官苗甲日東美何故頻見夢中乎數日而
卒苗攝大使行禮薛旋襯回及青州東美
乃請告至驛素服執奠哀號撫柩一慟而
卒情緣有感頗為奇事

○席上贈薛宜僚

阿母桃花方似錦王孫草色正如烟

草色如烟妙矣正如烟情

緒可憐

不須更向滄溟望惆悵歡情恰一年

歡情却用惆悵

二字憶一年甚難為情

顏令賓

顏令賓居南曲中舉止風流好尚甚雅亦頗為時賢所厚事筆硯有詞句見舉

人盡禮祇奉多乞歌詩以為留贈五彩箋常滿箱篋後疾病且甚值春莫景色晴和

命侍女扶坐于砌前。顧落花而長嘆數四。因索筆題詩云云。因教小童曰。爲我持此。出宣陽親仁以來。逢見新第郎君及舉人。卽呈之。云。曲中顏娘子。將來扶病奉候郎君。因令其家設酒果。以待逡巡至者數人。遂張樂歡飲。至暮涕泗交下。曰。我不久矣。幸各製哀挽以送我。初其家必謂求賻送于諸客。甚喜。及聞其言。頗慊之。及卒。將瘞之日。得書數篇。其母拆視之。皆哀挽詞也。母怒。擲之于街中。曰。此豈救我朝夕也。鄰有喜羌竹劉馳馳。聰爽。能爲曲子詞。或云嘗私于令賓。因取哀詞數篇。教挽柩前同唱之。聲甚悲愴。是日瘞于青門外。或有措大逢之。它日召馳馳使唱。馳馳尚記其四章。一日。昨日尋仙子。轎車忽在門。人生須到此。天道竟難論。客至皆連袂。誰來爲鼓盆。不堪襟袖上。猶印舊眉痕。二日。殘春扶病飲。此夕最堪傷。夢幻一朝畢。風花幾日。

狂孤鸞徒照鏡、獨燕懶歸梁、厚意那能展、
含酸奠一觴、三田浪意何堪念、多情亦可
悲、駿奔皆露膽、磨至盡齊眉、花墜有開口、
月沉無出期、寧言掩丘後、宿草便離離、四
日奄忽那如此、天桃色正香、捧心還動我、
掩面復何人、岱岳誰爲道、逝川寧問津、臨
喪應有主、宋玉在西隣、自是盛傳于長安、
挽者多唱之、或詢騶騶曰、宋玉在西、莫是
你否、騶騶哂曰、大有宋玉在、諸子皆知私
于樂工、及鄰里之人、極以爲恥、遽相掩覆、
絳真因與諸子爭、今相譴失言云、旣而甚
有恨色、後有與絳真及諸子昵熟者、勤問
之、終不言也、絳真住
南曲中、與令賓善、

病中見落花

氣餘三五喘、花剩兩三枝、話別一樽酒、相邀無後

期

氣促而情益折

萊兒

萊兒字蓬仙貌不甚揚齒不卑矣但利口巧言談諧臻妙陳設居止處如好事士流之家由是見者多惑之進士天水光遠故山北之子年甚富與萊兒殊相懸而一見溺之終不能捨萊兒亦以光遠聰悟俊少尤諂附之又以俱善章程愈相知愛天水未應舉時已相昵狎矣及應舉自以俊才期于一戰而取萊兒亦謂之萬全是歲冬大誇于賓客指光遠爲一鳴先輩及光遠下第京師小子弟自南院逕取道詣萊兒以快之萊兒正盛飾立于門前以俟榜小子弟輩馬上念詩以謔之曰盡道萊兒口可憑一冬誇媚好聲名適來安遠門前見光遠何曾解一鳴萊兒尚未信應聲嘲荅

曰黃口小兒口沒憑逡巡看取第三名孝廉持水添瓶子莫向街頭亂梳鳴其敏捷皆此類也是春萊兒毼毼久不痊于光遠光遠嘗以長句詩題萊兒室曰魚鑰獸環斜掩門萋萋芳草憶王孫醉憑青瑣歸韓壽因擲金梭惱謝鯤不夜珠光連玉匣辟寒釵影落瑤樽欲知明惠多情態役盡江淹別後魂萊兒酬詩云云

酬天水光遠

長者車塵每到門長卿非慕卓王孫定知羽翼難

隨鳳

宛曲說至此情意傾瀉

却喜波濤未化鯤嬌別翠鈿粘

去袂

含嬌含怨殊難為懷

醉歌金雀碎殘樽多情多病年應

促早辨名香為返魂

王蘇蘇

王蘇蘇在南曲中屋室寬博，庖饌有序，女昆仲數人，亦頗善諧謔，有進士李標

者，自言李英公勣之後，久在大諫，王致若門下，致君弟姪，因與同詣焉。欲次標題，憲曰：春莫花株遠，戶飛王孫尋，勝引塵衣，洞中仙子多情態，留住阮郎不旋歸。蘇蘇先未識，不其其題，因謂之曰：阿誰劉郎？君莫亂道。遂取筆資之云云。標性褊，頭面通赤，命駕先歸。後蘇蘇見王家郎君，輒詢熱趕郎在否。

答李標

怪得犬驚雞亂飛，羸童瘦馬老麻衣。
阿誰亂引閑人到，留住青蚨熱趕歸。





